

Mini Climbathon Bundu Tuhan akan diadakan hari ini

NST 9.11.13 8

RANAU: Sekolah Pendidikan dan Pembangunan Sosial (SPPS) Universiti Malaysia Sabah (UMS) akan mengadakan Mini Climbathon di Bukit Pitompuruan Kampung Bundu Tuhan, dekat sini, hari ini (Sabtu).

Program itu yang bertemakan "Berjalan Untuk Sihat" adalah projek komuniti melibatkan semua penduduk kampung Bundu Tuhan dan pelajar sekolah daerah Ranau.

Setiausaha Projek Komuniti Mariana Binty berkata, program seumpama ini adalah aktiviti tahunan SMK Bundu Tuhan Ranau yang dilaksanakan sejak tahun 2009.

"Sambutan sebelum ini amat menggalakkan, sehubungan itu kami meneruskan program ini selaras dengan falsafah pendidikan negara untuk melahirkan pelajar yang seimbang dari segi jasmani, rohani dan emosi serta membantu pihak sekolah untuk mencapai visi sekolah," katanya dalam satu kenyataan, di sini, kelmarin.

Mariana berkata, Program Bundu Tuhan Mini Climbathon kali ini adalah dengan kerjasama Jawatankuasa Pemegang Amanah Hutan Simpanan, Perumahan Bumiputera Bundu Tuhan dan Pelajar Semester 1 Pasca Siswazah Program Pendidikan Jasmani dan Kesihatan SPPS UMS.

"Program ini adalah sebagai salah satu promosi betapa pentingnya pengamalan gaya hidup sihat untuk menjamin kualiti kesihatan yang lebih baik," katanya. -
OLEH MARRYAN RAZAN (marrayan@newsabah-times.com.my)